

باب هوى

واربت باب هوى شوقى
قلبى صحى م السكات
قرب عليه ندانى
طيرك المسافر
رجع تانى
رديت وقلت
القلب مات
وإزاي أرجع
اللى فات
رد الهوى قال
سطورك
لساها عايشه
بتحكى قصتك
لساه العشق
ساكن سكتك
وف طريقه ماشيه
ليه تهربى م القدر

لا انتى عبله
ولا مكتوبه ليلي
ولا حتى جوليت
نهيتى حياتك
وقولتى قسمتك
رديت عليه
مرار الفراق
داب بجوف
سكره علقم
جوايا زرع خوفى
سقيته بدم حروفى
وملت عتمته كفوفى
قفلت بابى خلاص
وحلفت ما أنا راجعه
والدمعه شاهده
تقولى

ما فيش رجوع
وكفايه اتكسرت
جواكي الضلوع
اتخلقتي من ضلعه
الاعوج كسرك
والدم بقي سيل دموع
ما تواري بيش تاني بابك
اقفليه وكفايه إلى صابك
وجوه روحك
اسكني ونسيه للممات